

此世者意當云何何忍見之我等今日聞說是事心用崩破彼世之人遭此惡者身心豈不裂作百段耶時諸弟子忽復自議至心投地同聲白師我甚惶怖云何得道免于斯苦不遭斯惱大仙告曰道無遠近勤求則得無有前後此經名曰大仙迦丁所記當來祕識要集宜勤精進可免斯苦時諸弟子聞經悲泣飲淚稽首奉行

迦丁比丘說當來變經

雜譬喻經

後漢沙門支婁迦識譯

昔有比丘聰明智慧時病危頻弟子問曰成應真未答曰未得不還未也答曰未問曰和尚道高名遠何以不至乎和尚告曰已得頻來二果未通問之已得頻來礙何等事不至真人答曰欲觀彌勒佛時三會二百八十億人得真人時及諸菩薩不可限載彌勒如來其身至尊長百六十丈其土人民皆桃華色人民皆壽八萬四千歲土地平正衣食自然

閻浮土地廣長各三十萬里意欲見此不取
真人彌勒佛時二尊弟子一曰雜施二曰數
數復欲見之知何如我弟子復問從何聞此
和尚答曰從佛經聞弟子白曰生死勤苦彌
勒設有異法當往待之乎答曰無異六度四
等四恩四諦寧有異乎答曰不也設使一等
彼此無異何爲復待今受佛恩反歸彌勒亦
可取度不須待彼和尚言止卿且出去吾當
思惟弟子適出來到戶外已成真人弟子還
曰何乎師曰已成真人弟子禮曰咄叱之頃

已成果證

昔有比丘得定意時野火燒不燒人見之謂
是鬼便斫之刀折不入用心一故不入柔軟
故不燒有人得定者弟子呼之飯不覺因前
牽其臂臂伸長丈餘弟子怖便取結之意恐
結不可復解之師禪寤苦臂痛問弟子曰如
是師言汝不解寤我折我臂人得定意柔軟
如綿在母腹中亦爾

昔罽賓國有一菩薩始生墮地地爲大動父
母皆驚時有真人往頭面禮華蓋供散後長

出家明哲辯慧然多滂沱乃無法度所說聞者輒令得道時有二人共爲比丘精舍守戒清白積年意不開解天神語之彼國有比丘多所化度二人即往故遠歸請時此比丘彼國有比丘與姪女通二人求現一人先入禮敬却坐姪女故卧端正極世專心聽經無他異念便得道迹稽首還出復使一前禮訊坐聽見卧姪女心念此人穢辱不良唐苦遠來便棄出外比丘曰何愁乃爾知有邪見曰乃誤我曹涉曠辛苦師此汚濁有是蕩行曰卿

爲大非學士之法但當正心聽受慧解焉譏是非自生惡念今無所得便自端心共入聽經復得道迹一得應真師爲設賓便還本國師後典寺大用僧物通姪戲樂過度衆僧議逐有真人曰且莫擯棄雖用僧物能多化度便止不逐親親詣曰卿前弟子可往從乞備衆人物即到彼國大得衆寶還倍償僧昔有賢者奉法精進得病奄亡妻子號戀無聊有生火葬收骨埋去旣訖廢忘經道香燈不設家財饒富月旦晦朔烹殺饌餉上塚集

會相哭哀摧悲悼斷絕亡者戒德終乃昇天
天眼遙見愍其哭之愚癡之至化作小兒於
邊牧牛牛便卒死兒便號哭刈草著前曉喻
令食復打呼起對泣自搏如此終日衆人怪
笑共往呵問汝誰家子牛死當歸語家號哭
何益牛死豈知乎曰我不愚也牛死尚在猶
可有望汝父早死設百種食共向號哭焦骨
何知衆聞霍解曰吾本汝父蒙佛生天故來
釋卿因還復天身欲得如我加進道供已忽
不現妻子內外便還精進戒德布施賑濟一

切不復憂愁皆得道迹同時生天

海中有一國石私訶疊中多出珍寶唯無石
蜜時有賈人持五百餘車石蜜往念欲上王
所得賞報必勝市賈便以石蜜置王宮門作
事自陳如是月日之中無有問者恚曰彼王
亦是人我亦是人眼耳鼻口四大俱爾乃不
可得一見與言語也何則王福德勝人故也
吾亦當作功德當令王不覺來歸我時遂行
作沙門以蜜供養三尊求一靜處思惟苦空
非身使其未半意解無縛得六通道諸能一

處不移成羅漢者地爲震動帝釋諸天應來
慰問於是天帝諸天人皆下作禮助其歡喜
比丘問天帝卿等天上盡何所爲答曰天上
有四戲觀園三處是五欲處一處是道德在
中或論佛貴典或時論天下四輩精進持法
者比丘曰論持法者爲一等也十三爲有深淺乎
天帝曰普論善人耳佛泥曰已來有三人諸
天持論未曾廢捨比丘曰斯何人也天帝與
我一一說之天帝言波羅柰國有一人作沙
門自誓言當經行彷彿不得應真終不卧息

於是晝夜經行足壞流血百鳥逐啄三年得
道諸天稱察無不奉承矣有一人在羅閱祇
國亦作沙門布草爲褥坐其上自誓曰不得
道終不起而陰蓋來但欲睡眠使人作錐長
八寸睡來時便刺兩髀以瘡痛不睡一年之
中得應真道天亦歎未曾有也復有一人在
拘睢尼國亦作沙門在山石室峻險卒無能
得往來者時魔波旬見其精進便化作水牛
在比丘前鳴鼻角目以欲觸之比丘甚畏而
思曰此間牛所不能得至何以有此得無是

魔所爲也。即喊言：汝是弊魔，所爲邪魔，謂已知便復本形。比丘語魔，卿恐我何求魔？言見道人精勤，恐出我界去，故來相恐矣。比丘說：言我所以作沙門者，求度世間佛，有相好欲見之耳。佛以去世無能見者，聞魔能變作佛身爲吾現之，吾便不復精進也。魔其當然，即化爲佛在前立。思惟即得應真，諸天空中稱善無量。魔悔愁毒，即時滅去。天帝語比丘：三人諸天所歎，于今未休。比丘語天帝：此三人者，明識苦空，是以朽身，吾本無意爲人所

輕遂行求道，得出三界，亦復奇妙，亦得應真。諸天報曰：今還天上，以道人上頭第一。於是諸天作禮而去。於是國王聞石蜜主勤行得道，即住稽首叩頭謝過，遂爲國師。興隆三寶國，致太平，得福得度，不可復計。

昔有一病人，衆醫不能治，瘥徑來投國王。王名薩和檀，以身歸大王，慈願治我病。王即付諸師，勅令爲治病。諸醫啓王：此藥不可得。王問諸師曰：其藥名何等？世無五毒人，其肉中作湯服，此便得瘥。何等爲五毒？一者無貪，姪

心二者無瞋恚心三者無惡癆心四者無妬嫉心五者無剋虐心若有此人者其病便愈王告諸師曰此人來歸我唯我無此毒即割身上肉與之令合湯病者服愈便發摩訶衍昔有迦羅越常願見文殊師利迦羅越便大布施并設高座訖便有一老公其大醜惡眼中眇出鼻中洩出口中唾出迦羅越見在高座上便起意我今日施高座高經沙門當在其上汝是何等人便牽著地布施訖迦羅越便然燈燒香著佛寺中言持是功德現世見

文殊師利便自還歸家疲極卧夢有人語言汝欲見文殊師利見之不識近前高座上老公正是文殊師利汝便牽著地如是前後七反見之不識當那得見文殊師利若人求菩薩道一切當等心於人求第一菩薩道者文殊師利便往試之十五當覺是意爲無常家說譬喻有一大樹其果如二升瓶其果垂熟有鳥飛來住樹枝上方住果落鳥頭殺樹神見此而作偈言
烏來不求死 果墮不爲鳥 果熟鳥應死

因緣會使爾

人在世間罪福會遲速合無有前却點人得罪不怨得福不喜爾乃爲諦信佛言受持不離三界之中有九十六種道世人各奉其所事冀神有益此諸小道未曉爲福豈能報德所以爾者不識三尊之上明不執五戒之清真無有八正之深見豈能祐濟於人乎是以名之薄田耳有能敬佛三尊鑒通三世明天堂之福審太山之罪至信三寶以塞三塗強智慧之力以消三界癡冥修六淨神水以蕩

六患之穢故能輕財損身口分行等之施以樹來世之本施一萬報疾若響應故言大道三界之良田也何以明之昔阿育王曾作小兒時道遇佛不勝歡喜以少砂土至心奉佛由此之福故得爲聖王典主四十萬里十六大國以此明之佛最爲良田

昔佛弟難陀乃往昔維衛佛時人一洗衆僧之福功德自追生在釋種身佩五六之相神容晃昱金色乘前世之福與佛同世研精道場便得六通古人施一猶有弘報況今檀越

能多行者乎普等之行必逮尊號加增歡喜
廣度一切

佛言染神億劫不朽煎熬生死得道乃止昔
佛泥曰後五百十年有一國王精進勇猛世
所希有供養六萬沙門三月一時甘香餽饌
極世之味最上座道人博綜群籍探古達今
得應真去此國東四百八十里有一國王供
養五百婆羅門亦盡世之美作百種幢幡裝
校繒綵綿絮金寶雜物一幢直五百兩金以
此妓樂而娛樂之其有能作此技藝者便以

與之諸國貧人聞彼國王有此寶物各各四
面雲集合五百人路由精舍各習技藝欲取
彼寶糧食之盡不能得達便詣上座前求作
沙門上座即觀之乃維衛佛時賢者家奴客
曾爲道人作食飲又聞法言從是已來天上
人中受福自然福今始盡法言故存此等可
度便下鬚髮授以戒法將入宮食還大歡喜
師知其意爲說此飯不可妄食人無至誠而
食此飯者當累劫爲王作牛馬奴婢五百新
學比丘聞此恐怖厲志精進九十日皆得應

真比丘以得道欲自說本末便大走行喚入
王門共相撲來三毒十二因緣五陰六衰我
皆撲之誰能與我對者衆坐愕然此何言也
比丘曰吾等本習技藝欲取彼寶利養爲沙
門自致羅漢三界衆邪吾等已撲滅之蒙大
師恩快樂無極

昔有兄弟二人居大勢富貴資財無量父母
終亡無所依仰雖爲兄弟志念各異兄好道
誼弟愛家業官爵俸祿貪世榮色居近波利
弗鷄鳴精舍去之不遠兄專行學諮受經道

不預家計其弟見兄不親家事恒嫌恨之共
爲兄弟父母早終勤苦念生活反棄家業追
逐沙門聽受佛經沙門豈能與汝衣財寶耶
家轉貧狹財物日耗人所嗤笑謂之懈廢門
戶絕滅凡爲人子當立功効繼續父母功勲
不廢乃爲孝子耳兄報之曰五戒十善供養
三寶行六度坐禪念定以道化親乃爲孝耳
道俗相反自然之數道之所樂俗之所惡俗
之所珍道之所賤智愚不同謀猶明冥不共
處是故慧人去冥就明以致道真卿今所樂

苦惱之戒一切空無虛偽不真迷謬計有豈知苦辛其弟舍慧顛頭不信兄見如是便謂曰卿貪家事以財爲貴吾好經道以慧爲珍今欲捨家歸命福田計命寄世忽若飛塵無常卒至爲罪所纏是故捨世避危就安弟見兄意志趣道誼寂然無報兄則去家行作沙門夙夜精進誦經念道一心坐禪分別思惟未曾休息懈怠即具根力三十七品行合經法成道果證往到弟所勸令奉法五戒十善生天之本布施學問道慧之基弟聞此言瞋

恚更盛即答兄曰卿自應廢不親家業毀壞門戶可獨爲此勿復教我疾出門去莫預我事兄便捨去弟貪家業汲汲不休未曾以法而住其心然後壽終墮牛中肥盛甚大賈客買取載鹽販之往返有數牛遂羸頓不能復前上坂因頓蹣卧不起賈人策撾十八搖頭纔動時兄遊行飛在虛空遙見如是即時思惟知從何來觀見其本本是其弟便謂之曰弟汝所居舍宅田地汲汲所樂今爲所在而自投身墮牛畜中即以威神照示本命即自識知

淚出自責大行不善慳貪嫉妬不信佛法輕慢聖衆快心恣意不信兄語違戾聖教抵突自用故墮牛中疲頓困劣悔當何逮兄知心念愴然哀傷即爲牛主說其本末事狀如是本是我弟不信三尊背真向偽慳妬自恣貪求不施墮牛中羸瘦困劣甚可愍傷今已老極疲不中用幸以惠我濟其殘命賈人聞之便以施與即將牛去還至寺中使念三寶飯食隨時其命終盡得生忉利時衆賈客各自念言我等勤勞治生無厭不能施與又不奉

法不識道誼死亦恐然不免此類便共出舍捐其妻子棄所珍玩行作沙門精進不懈皆亦得道由是觀之世間財寶不益於人奉敬三尊修身學慧博聞行道世世獲安

昔者舍衛國有一貧家庭中有蒲萄樹上有

英一

十九

數穗念欲布施道人時國王先前請食一月是貧家力勢不如王正言許一月乃得一道人便持施之語道人言念欲施來一月今乃得願道人語優婆夷以一月中施矣優婆夷言我但一穗蒲萄施耳那得一月施道人言

但一月中念欲施則爲一月也

有十七事人於世間甚大難一者值佛世難
二者正使值佛成得爲人難三者正使得成
爲人在中國生難四者正使在中國生種姓
家難五者正使在種姓家四股六情完具難
六者正使四股六情完具財產難七者正使
得財產善知識難八者正使得善知識智慧
難九者正使得智慧善心難十者正使得善
心能布施難十一者正使能布施欲得賢善
有德人難十二者正使得賢善有德人往至

其所難十三者正使至其所得宜適難十四
者正使得宜適受聽問訊說中正難十五者
正使得中正解智慧難十六者正使得解智
慧能受深經種種難十七者正使能受深經
依行得道難是爲十七事

雜譬喻經

